



南宮縣志卷十七目錄

人物篇

名績列傳

共九十二人

顏良文醜

張連祖

弟顯祖附

崔子玉

田神功

弟神玉附

王繼宏

張演

子國維附

張顥張晉享

張好古

弟好義附

劉理

趙志郭儀

晁

政

路得奉

晁

賦附

白圭白鉞

白杲

白坪

劉錫

劉濂韓繼志

劉汀

楊惟平

張學古

齊三畏李文熙

朱黃裳

賈子翼

韓甲

韓策鄭其志

杜國漸

白芹

賈多男

李攀龍 李起龍 韓之倬 劉延煌 張慎行

宋文運 杜鎮 崔天寵 鄭雍 馬璵

鄭維孜 王廷琦 弟廷璋附 齊維禮 張子發

鄭預 杜斐 路鳴竹 李漣 張元方

鮑梓 張沚 項士鉉 侯雲漢 王國棟

陳子鑑 李鍾英 王兆瑞 杜兆豐 杜士能

安穎新 王堯恆 齊紹甲 陳柱 子鶴年

椿年附 王啟文 齊文振 趙桐 鮑雲翥

陳然 杜燮 子慶元附 李登洲 齊承道

崔蘭馨 賈吉齡 宋朝楨 路士桓 齊福丕

陳清震 姜登選

南宮縣志卷十七

鹽山賈恩紱編輯

文獻志

人物篇中

名績列傳

漢顏良南宮人少聰敏宏達比長驍勇善謀爲袁紹將屢有

戰功畿輔志建安五年紹遣良攻曹操別將劉延於白馬後漢書

操引兵北救延荀攸說操曰今兵少不敵分其勢乃可公到

延津宜若將渡兵向其後者紹必西應之然後輕兵襲良掩

其不備可擒也操從之紹果分兵西禦操乃兼程趨白馬未

至十餘里良大驚逆戰魏志操使張遼等爲先鋒擊良良遂戰

沒蜀

文醜胡志作文丑

南宮人爲袁紹將官渡之戰魏人稱爲勇冠三

軍畿輔舊志

紹之渡河而壁延津也使醜與劉備將五六十騎挑

戰操特散輜重於途以餌之醜所率士卒果分趨輜重操乃

令騎皆上馬縱擊醜遂戰沒

魏志

唐張連祖性豪邁能詩或勸攻舉子業笑曰筆硯豈封侯器

耶乃詣闕上邊計高祖拜爲鎮遠將軍弟顯祖太宗初爲本

縣功曹弟顯義爲長樂郡功曹

畿輔志

崔子玉貞觀間爲山西長子縣令值大旱爲疏告天甘霖溥  
降有虎爲民害王氏子被噬其母訟於堂子玉爲文檄虎虎  
隨役至西門不前子玉令缺城垣虎乃入至堂子玉數其罪

虎伏不敢動遂斬以徇因於城缺置門名之曰虎西門民爲子玉立生祠後以循良陞蒲州刺史

田神功天寶末爲縣里史會河朔兵興賊署爲平盧兵馬使率眾歸朝從李忠臣收滄德攻相州拒杏園後守陳留戰不勝與許叔冀復降史思明思明使與南德信劉從諫南略江淮神功襲德信斬之從諫脫身走乃并將其兵上元元年爲平盧節度都知兵馬使兼鴻臚卿戰於鄭州破賊四千擒其將牛馬器械不可勝計襲敬釭於鄆州不克劉展反鄧景山引神功助討自淄青濟淮眾不整入揚州遂大掠居人貲產發屋剔竈殺商胡波斯數千人上元二年生擒劉展送京師以擒展功累遷檢校工部尙書並御史大夫淄青節度使會

南宮縣志 卷一  
侯希逸入青州遷充鄆節度使

續通志據方鎮表謂上元二年廢淄沂節度并所管五州

號淄青平盧節度使神功不應先領淄青節度之職

時賊圍宋州急李光弼奏神功往

救賊解去又破法子營復攻敬釭降之史朝義聞而奔下博

進封信都郡王徙河南節度汴宋八州觀察使

舊書作節度使

大厯

二年

舊書作三年

朝京師獻馬十匹金銀器五十件繒絲一萬匹

時郭子儀入朝請宴宰臣等於私第神功效其請亦以許之

加檢校尙書右僕射特詔宰臣已下百官送至省仍加知省

事以寵之加太子太師還軍神功忠樸幹勇事母孝始嘗偕

驕自如及見李光弼待官屬鈞禮乃折節謙損八年冬復自

力入覲遘疾宋之將吏爲禳祈報恩信宿而卒代宗爲撤樂

廢朝三日贈司徒詔其弟曹州刺史神玉知汴州留後事賻

絹千匹布五百端許百官弔喪賜屏風茵褥於靈座並賜飯  
千僧以追福至德以來節度使不兼宰相者惟神功恩禮爲  
最篤神玉兼御史中丞知汴州節度觀察留後事并河陽澤  
潞等兵馬直據洪門會李承昭討魏博田承嗣卒

後晉王繼宏性勇有謀好孫吳兵法後晉時爲奉國都指揮  
使契丹主德光命與都虞侯樊暉以所部兵戍相州彰德節  
度使唐英善遇之唐英聞帝南下舉鎮請降繼宏與暉殺唐  
英繼宏自稱留後遣使告唐英以叛伏誅詔以繼宏爲彰德  
留後暉爲磁州刺史

元張演元初人先世籍安平金季徙南宮父德林追封清河  
郡伯演幼知力學長以文法無害推擇爲其府掾宋平大選

州縣官屬燕南按察使以演名上初試潭州湘陰縣丞改江西樵茶都轉運使司知事值中更茶法或謂宜倍賦演獨言江南新定多取以自利不若薄征以利人議者是之法得不改行御史臺察廉舉其績遷山南湖北道提刑按察使司知事以病免廉訪使者狀演遺逸上之調瑞州瑞昌縣主簿歲部糧時大饑貧民實不能具春藁演出俸錢市粟代入其輸大德五年移婺州路義烏主簿未久卒民知其善人長者喪行巷哭皆盡哀演外柔和而中健敏居官治家細行必飭舊僚多列顯要演不肯抑首降氣以取美爵豐祿云子三國綱國維國紀國綱管領鎮定打捕民匠總管國維字輔卿大德初由中書東曹掾擢江淞行省左右司都事五年以憂歸後

歷官德安屯田總管出議鹽法山東其所因革定著爲令材  
問蔚然爲時知名人得卹典贈其父演朝散大夫冀州尹上  
騎都尉清河郡伯又自吏部侍郎出守濟甯升秩三品贈其  
父至東平路總管階亞中大夫勳輕車都尉爵清河郡侯

制柳貫  
撰墓碑

元待

張顥至元間與弟晉亨俱有時名同知安武軍節度使事領  
棗強縣令以冀州數道之眾附嚴實於青崖後從實歸元進  
顥安武軍節度使累立軍功西征戰歿歲戊寅太師國王木

華黎

欽定元史  
作穆呼哩

承制署晉亨襲爵

元史

張晉亨字進卿涉獵書史臨事周密隨兄顥附嚴實器之以  
女妻焉實征澤潞偏將李信晁海相繼降於宋晉亨跋涉險

阻晝伏夜行僅免於難實遣子忠貞入質命晉亨與俱丁亥  
從國王孛羅

欽定元史  
作博羅

征益都以功遷昭毅大將軍領恩州

刺史兼行臺馬步軍都總領再遷鎮國大將軍實征淮楚河  
南晉亨畢從甲午從實入覲命爲東平路行軍千戶圍安慶  
其守將走邀擊之斬首百級俘獲無算攻定城俘其將士十  
有五人略信陽執復州將金之才攻六安拔之大小數十戰  
策功居多實卒其子忠濟奏晉亨權知東平府事東平貢賦  
率倍他道迎送供億簿書獄訟日不暇給歷七年吏畏而民  
安之辛亥憲宗卽位從忠濟入覲時包銀制行朝議戶賦銀  
六兩諸道長吏有輒請試行者晉亨面責之曰諸君職在親  
民民之利病且不知乎今天顏咫尺知而不言罪也承命而

歸事不克濟罪當何如且五方土產各異隨其產爲賦則民  
便而易足必責輸銀雖破民之產有不能辦者大臣以聞明  
日召見如前言以對

按續通志云王王汝傳作王汝糾諸路管民官懇之闕下兩傳互異

帝是

之得蠲戶額三之一仍聽民輸他物定爲制帝賜晉亨金虎  
符辭曰虎符國之名器長一道者所佩臣隸忠濟麾下復佩  
虎符非制也臣不敢受帝益喜改賜璽書金符恩州管民萬  
戶中統三年李壇叛晉亨從嚴忠範戰於遙牆樂勝之改本  
道奧魯

欽定元史作鄂囉

萬戶四年授金虎符分將本道兵充萬戶

戍宿州首言汴隄南北沃壤閒曠宜屯田以資軍食乃分兵  
列營以時種藝選千夫長督勸之事成期年皆獲其利至元  
八年改懷遠大將軍淄萊路總管兼軍事十一年詔伐宋晉

亨在選中聞命就道曰此報效之秋也分道由安慶渡江丞

相伯顏

欽定元史作巴延

留之戍鎮江兼與民政壹以鎮靜爲務戰

焦山瓜洲皆有功十三年卒於官子好古

元史參  
畿輔志

張好古字信甫少讀書善屬文器識宏遠勇而有謀父晉亨  
權知東平府事嚴忠濟承制以好古權其父軍戍宿州戊午  
奏眞授行軍千戶攻樊城身中流矢戰不少卻主將旌其功  
賞銀百兩略揚循泰興海門而還擊邵伯埭拔之從大軍攻  
鄂中統元年還宿州忠濟命兼恩州刺史訪民瘼革吏弊立  
爲條約未幾移戍蘄州李壇叛據濟南宋人攻蘄好古率兵  
迎擊力戰死之時晉亨在濟南軍中聞之哭曰吾兒死得其  
所矣弟好義襲好義至元中鎮蘄州下江淮有功好吉成宗

時襲安武大將軍

按世祖本紀至元二年以千戶張好古歿王事命其弟好義好禮並襲職

劉理南宮人至元間爲新鄉尹捐資修學校平賦役杜私謁

獄訟無留滯民爲刻石紀之

畿輔志河南通志

趙志至元中

冀州志邑舊志並作至正中

除長葛縣尹爲政寬和撫字有

方邑地卑溼累歲不登志相士宜使爲水田旱則決潁水灌

之民獲其利

畿輔志河南通志

郭儀晁政路得奉晁賦俱邑人自張晉亨後相繼以武功顯

郭儀世祖時爲真定路捕鷹坊總領晁政世祖時爲嘉瑞義

軍千戶路得奉至治中屢戰有功授萬戶俟晁賦至元間以

軍功陞招討使特加昭武大將軍

明白圭字宗玉自幼天資俊偉識量過人從博士姚江沈彥

常受易正統七年進士癸亥除江西道監察御史胡志監朱勇

軍討兀良哈有功巡按山西辦疑獄三百餘從車駕北征陷

土木脫還景帝命往澤州募兵尋遷陝西按察副使明史多所

平反景泰壬申擢浙江右布政使胡志福建賊鄭懷冒流剽處

州協諸將討平之明史受銀幣之賜胡志天順二年貴州東苗千

把猪等僭號攻劫都勻諸處詔進右副都御史巡撫湖貴贊

南和侯方瑛軍往討圭以谷種諸夷爲東苗羽翼先勦破百

四十七寨遂會兵青崖復破四百七十餘寨乘勝攻六美山

千把猪就擒諸苗震讐湖廣災就命圭巡撫胡史有勅督造戰

船眾議賦財於民主持不可以楚府抽分甚富具啟量借數

月事賴以濟民德之畿輔人物考參胡志四年召爲兵部右侍郎明年

李來寇莊浪圭與都御史王竑贊都督馮宗軍務分兵巡邊

圭敗之

明史

至固原州虜奄至從騎僅百餘人令悉下馬結陣

以待虜疑有伏乃引去躡之獲十餘騎及牛羊以歸旣而花

馬池海納都入侵連戰皆捷

畿輔人物考

六年慈壽皇太后崩俾

圭營葬事畢受銀幣之賜

胡志

七年進工部尙書八年英廟升

遐奉敕營建裕陵復受銀幣之賜

胡志

成化元年荆襄賊劉干

斤等作亂敕撫甯伯朱永爲總兵以圭提督軍務發京軍及

諸道兵會計千斤名通河南西華人縣門石狻猊重千斤通

隻手舉之因以爲號正統中流民聚荆襄間通竄入爲妖言

潛謀倡亂石龍者號石和尚聚眾剽剌通與共起兵僞稱漢

王建元德勝流民從者四萬人圭等至南漳賊迎戰敗之乘

勝逼其巢通奔壽陽謀走陝西圭遣兵扼其道通乃退保大

市與苗龍合官軍又破之雁坪斬通子聰及其黨苗虎等賊

退保後巖山據險下木石如雨諸軍四面攻圭往來督戰士

皆蟻附登城賊大敗擒通

明史

及僞軍師康子雲等而宥其脅

從數千人

胡志

焚其廬舍夷險阻而還石龍與其黨劉長子等

逸去掠四川連陷巫山大昌圭等分兵威之長子縛龍以降

餘寇悉平錄功加太子少保增俸一級

明史

班師之日聞父訃

陳乞守制詔許奔喪葬畢視事

胡志

三年驛召至京改兵部尙

書同定襄伯郭登等提督十二營操練圭辭所加官並請終

制不允賜玉帶寶刀麒麟繡衣會彗見求直言圭以民情不

和致干天變乞命大臣巡行天下黜貪酷旌賢良以和民情